

ISSN 2249-510X

A Peer Reviewed and Refereed Journal of
Kashmiri Literature and Language

Department of Kashmiri

University of Kashmir

نفسیاتی تنقید تہ کا شرس منزا مکو انہار

رتن تلاشی

تلخیص:

کا شرس تنقیدس منزنفسیاتی تنقید کین انہارن ہنزکتھ کرنہ برونہہم وچھو ز نفسیاتی تنقید کیا چھ تہ
مواصر پٹھی وچھو امکس آغازس پسہ پرد کمن تصوراتن ہند عمل دخل چھ۔ جدید نفسیاتی
تنقید کہ آغازک بنا چھ دراصل جدید نفسیاتس منز فرایڈ، ایڈلر تہ ینگ سندر مطالعہ۔ خاص
پٹھی چھ اتھ منز فرایڈ سند تحلیل نفسی مطالعک عمل دخل نمایاں تیمیک ورتا و مو لہ تلہ نفسیاتی
امراضن ہند علاجہ باپت کو رمت اوس۔ چناچہ ادبی تنقیدس منز امکہ ورتا و پتہ آوتھس
تنقیدس تحلیل نفسی ادبی تنقید تہ ونہ۔ اما پوزیہ وئن تہ چھ ضروری زامہ قسمہ کہ تنقید باپت
چھ نہ کانہہ و ا حدوتھ۔ بلکہ چھ امہ ونڈ کین نظرین باہم اختلاف تہ۔
کلیدی الفاظ: نفسیاتی تنقید کین، عمل دخل، ترقی پزیر، تحلیل نفسی

امہ رنگو کینہہ عالم چھ ادبس نیورا تینس ستر واٹھ دوان تہ کینہہ اُدیب سندس اجتماعی شعورس
 ستر تہ کینو وگر تخلیقی عملہ ہنز وضاحت احساس کم تری احساس برتری منز تبدیل کرنچہ عملہ ستر۔ نفسیاتی
 ماہرن ہندن تصورن منز رنگارنگی آسنہ سببہ چھے نفسیاتی تنقید کین طریقہ کارن منز رنگارنگی
 ۔ ووزی گو و تنقیدی طریقہ کارن ہنز رنگارنگی باوجود چھ یمن مختلف رنگن پسہ پردیہ مشترکہ تصورز
 ادب تہ فن چھ مولہ انسانی جملہون ہند رقص گاہ۔ تہ اکھ تخلیق کار چھ ادبکہ وسیلہ دیمون
 خاہشن باوتھ و تھ تسکینگ سامانہ فراہم کران۔ تخلیقہ کار سنز لا شعور تہ تل شعورس منز پیمڑ تشنہ
 خاہشاتے چھے تخلیقہ شکلہ منز باوتھ پر اوان۔ بلکہ چھ پتہ ونہ آمت ز تخلیقہ تہ تخلیق کار سندرشتہ
 چھ تیتھے پتھ خواب تہ خواب و چھن و اُلس فردس باہم آسان چھ۔ جدید نفسیاتی نظریہ عام
 سپدنہ ستر لگو نقاد تخلیقہ ہند وسیلہ تخلیقی عملہ تہ فردس منز زیادہ دلچسپی نہ۔ ادبی تخلیقہ منز آریہ تخلیق کار
 سنز شخصیت ہندن تمن نہاں خان ہنز ژھا نڈ دنہ یمن منز تخلیق کار سنز ذہنی کیفیت، تسندر
 مختلف تجربہ تہ پیچیدگیہ پنہاں روزان چھے۔ بی اوس ینگ سند گف تہ ز نفسیاتی تنقید دسی
 ہیکو آسنہ صرف اکہ طرفہ گنہ فن پارکس و جو دس یمن متعلق زانکاری پر اوتھ بلکہ ہیکو تمن
 محرکاتن متعلق تہ زانکاری پر اوتھ ہم گنہ فن پار باپت تخلیق کاری ہند سبب بنان چھ۔ یہ وُن
 چھ ضروری زامہ قسمکہ تنقید کو محور چھ مختلف رو دکر یمن منز تخلیق کار، تخلیق تہ بعضے قاری تہ
 شامل سپدان چھ۔ برو نہ گن رٹ نفسیاتی تنقیدی طریقہ کار نے ریڈر ریسپانس ادبی تنقید چ
 صورت پتھ تحت ادبس ستر قاری سند نفسیاتی رد عملک مطالعہ کرنہ آو۔ فرایڈ سندس نظریاتی
 وانگس دیت جیکس لاکان تمہ ساعتہ و ہراو پیلہ کر ساختیاتی لسانیاتس تہ خاہشن ہندس متحرک

صورتِ حالسِ رلِ کور۔ غرضِ فرایڈ تہ یُنگِ بیترِ نفسیاتیِ مآہرنِ ہندِ مطالعہِ بیلہِ برونہہ کُنِ
مختلفِ زباننِ منزِ مختلفِ نقادنِ ہندِ دسِ تخلیقیِ تجربہ بن تہ تخلیقیِ کردارنِ ہندِ تجزیہِ بابتِ ورتا ونہ
آوامیکِ نتیجہِ دراوِ زِ نفسیاتیِ تنقیدِ اکھِ سادروارِ رجحانِ آوِ بارس۔ چنانچہِ کاشترِ تنقیدِ کہ
تو اُرتِ حکِ باضابطہِ آغازِ چھہ و ہمہِ صدیِ ہندِ دویمہِ نصفہِ پٹھے سپدِ مُت۔ تہ اتھِ مدتسِ دورانِ
اتھِ مختلفِ علمیِ اساسنِ پٹھہ بنیِ الگِ الگِ تنقیدیِ رنگنِ ہنزِ نشاندہیِ کرِ فیِ چھہ عبث۔ پزِ چھہ یہِ زِ
کاشترِ تنقیدِ چھہ زیادہِ پہنِ ویرِ ہننِ، تشریحنِ تہ تجزیہِ یںِ پٹھہ بنیِ تہ منزِ اکثرِ موضوعِ تہ معنیِ کسِ
تلاشسِ کُنے توجہِ دنہِ اُمتِ چھہ۔ پزِ چھہ یہِ زِ شودِ اصطلّاحیِ معنیِ یسِ منزِ چھہ نہ سانسِ تنقیدیِ
سرمایسِ منزِ نفسیاتیِ تنقیدیِ رجحانہِ رنگتہ کہ نہ الگِ نمایاںِ تنقیدیِ رنگ۔ وونیِ گو و امہِ باوجودِ
ہیکو اسیِ اتھِ سرمایسِ منزِ یہ تہ ہوتہ تنقیدِ کہ تھہ انہارِ و چھتہ یمنِ منزِ تحلیلہِ نفسیِ تنقیدِ دوے و نُن
صبحِ چھہ نہ مگر اُ کسِ وسیعِ تناظرسِ منزِ ہیکو اتھِ نفسیاتیِ تنقیدِ کہ انہارِ و تھہ۔ یمِ بعضےِ درینٹھمانِ تہ
بعضےِ کُ چھہ۔ سہولیتِ بابتِ با گرو اسیِ یمِ انہارِ ژورنِ و رگنِ منز۔

گوڈنکسِ و رگسِ منزِ ہیکہ تمہِ رنگِ تنقیدِ شامِلِ سپدِ تھہ یسِ یو دوے نہ جدیدِ نفسیاتیِ
مآہرنِ ہندِ دسِ فراہمِ کرنہ آمتینِ ماڈلنِ ہندِ حوالہِ کرنہ اُمتِ چھہ مگر تمہِ باوجودِ چھہ تہ تھسِ تنقیدسِ
منزِ تہ تنقیدِ یہ نقادِ ادبِ و کھنے کرنسِ دورانِ تخلیقِ کارِ ہندسِ نفسیاتسِ کُن بے شو نکھو پاٹھو
ژہالِ نوانِ چھہ۔ نفسیاتیِ تنقیدِ نحیثِ اصطلاحِ او کطرفِ ترا و تھہ ہیکو اسیِ امہِ رنگِ
تنقیدِ مختلفِ زباننِ ہندسِ تنقیدیِ تو اُرتِ نحسِ منز تہ و چھتہ، بلکہ چھہ امہِ قسمکہ تنقیدِ تو اُرتِ ح
تیوتِ پرونِ یوتِ پرونِ بدسِ تنقیدیِ تو اُرتِ ح چھہ۔ امہِ لحاظِ ہر گاہ و چھو تیلہ چھہ افلاطون تہ

آدری شخصیت ہند جذباتی پکھی کے اظہار تہ ضروری چھ ز امچہ مولاً نکونہ منز روزن آدری جذبات، احساس تہ وطیر نقادس زیر نظر۔ تہ بیم چھ نفسیاتکہ علمکو موضوع تہ۔ خاص پٹھکر چھ نقاد ہند خاطر رومانی ادبکس تنقیدس دوران نفسیات کہن حدو دن منذر اخل سپدنگ امکان زیاد۔ وجہ چھ صاف ز انفرادی جذبہ تہ احساس چھ رومانی ادبکو اہم عنصر۔ نفسیاتس منز تہ چھ زور فردس پیٹھے۔ چناچہ دوشوہنی ہندی حدو دچھ رلان تمہ سببہ ہیکن نہ جذبہ تہ احساس یا پیٹہ کنبہہ نفسیاتی موضوع امہ کس تنقیدس منز فراموش سپد تھ۔ مثلاً رسول میرس متعلق ٹینگ صابن یہ بیان نی تو:

”سہ چھ نہ صرف حسن و چھان تہ امہ کس نظارس پیٹھ تو شان روزان بلکہ چھ سہ حسن چھاونگ تہ باس دوان۔ سہ چھ اکھ وصل آگاہ انسان بٹھ نون نیران تہ سبز بدنامی ہند ذکر چھ ہاوان ز سہ اوس ز اٹھ ماٹھ عشقہ بازی کران تہ حظ تلان“۔ حالانکہ اتھ اقتباسس منز چھ نہ نفسیاتکہ علمہ کہن اصطلاحن ہند ورتا و مگر تمہ باوجود چھ تخلیق کار ہند وطیر چ تہ روتج کتھ کرنہ آمڑ تہ سستی چھ تخلیق کارس پیٹھ غالب جذبچ کتھ تہ سپڑ مڑ۔ تمی ہیکہ بعضے رومانی ادبی تخلیق پارس تنقیدس منز شاعر یا شعر کردار ہندس نفسیاتس گن تہ نقادسند توجہ گڑھتھ۔ بعضے چھ نقاد شعر چہ ویشھنے دوران تخلیقہ یا تخلیقہ ہندس شعر کردارس متعلق گنہ گنہ جذبہ، احساس یا احساس کمتری بیتز لفظن ہند ورتا و تہ کران، نیمہ ستر باسان چھ ز نقادس چھ نہ نفسیاتی پوکھ توجہ ڈلتھ۔

کینہہ نقاد چھ اکھ قدم بروہہہ نیر تھ گنہ تخلیقہ فرایڈ ہند ز اوہ نگاہ و چھنج کوشش تہ کران۔ اکثر غارشعوری طورے۔ تمی چھ عالمن ہند یہ وُن صحیح باسان ز کانسہ نقادان اُسرتن فرایڈسند مطالعہ کو رمت یا نہ کو رمت، امہ باوجود دہیکن تنقیدی عملہ دوران تھکر ساتھ تہ تھہ پیلہ سہ نقاد

پانہ فرایڈ ہنٹھ ہیکہ۔ یہ پزرگڑھ فراق سبز ”تُمی دؤ پنم“ نظمہ متعلق ڈاکٹر شفیع سمبلی صابنہ بیہمہ
 تنقیدی خیالہ ستر عیاں، ونان چھ ز ”تُمی دؤ پنم“ نظمہ منز چھ جنسی جذبک اظہار بڈ فنکاری سان
 شاعرانہ اظہار س پتر کئی تھا ونہ آمت تہ یہ چھ وار وار عیاں سپدان۔۔۔۔۔ تمس چھ جنسی لحاظ
 کمزوری آسنہ کنی امہ محرومی ہند شاید شدید احساس او کئی تہ ز جنسک جذبے چھ سہ اکھ جذبہ
 یس بقائے نسلک ضامن چھ۔“

بہر حال نفسیات کلبن حد و دن منزد اخل سپدنہ باوجود چھ پتھس تنقیدس منز صرف تنقیدی
 نوعیتکو بیان ونہ آمتو بیم نہ جدید نفسیاتی تنقیدی پیمانہ حسابہ کانہہ تجزیاتی مطالعہ چھ۔ تنقیدی بیان
 چھ پیہ تہ کینہہ۔ مثلاً صمد میر سبز ویتراؤن پیوم، نظمہ ویشھنے کران چھ راہی۔ تھہ پاٹھو نفسیاتچہ
 لبہ تکی نیرون ونان ز ”زیر تبصرہ نظمہ ہیکہ جدید طرز تہ تعبیر سپدنہ۔ اتھہ ہیکو شاید شعور، تل شعور
 تہ اجتماعی لاشعور کس گاشس تل تہ ویشھنے وکھنے کرتھ۔“ راہی چھ جدید نفسیاتی اصطلاحن
 ہنز کتھ کران اما پوزیمین ہند حوالہ چھ نہ کانہہ تہ تنقیدی تجزیہ کران۔ بلکہ چھ یہ تہ بیانہ۔ وونی
 گوویہ بیان چھ درشاوان ز نقاد چھ امہ تنقید کہ نظریاتی اساسہ نش و اقف۔ پڑھے بیاکھ مثال
 چھے پروفیسر مجروح سبز نام سبز ”کاٹھو دروازہ پیٹھ گرتام“ نظمہ ہنز مولاً نکون۔ تھہ منز سہ جنسی
 جذبکہ تترک تہ سماجس منز پھانپھلیمتہ شعورک عکس ٹا کار کران چھ۔ بقولہ تہ تھہ پاٹھو شر
 مختلف چیزن تمبلان چھ تمہ حسابہ ہیکو وینتھ ز سہ چھ اڈچ، نمائندگی کران۔ شر چھ اڈھند
 پاٹھو بے لگام آسان۔ اتھہ برعکس چھے ماچ ایگو ہیچ علامت۔ یژھن تنقیدی مثالن منز چھے
 شعوری طور فرایڈین طرز تنقیدک ہند ورتا و کرنہ آمت۔ مگر پڑھ مثالہ چھے کاشرس تنقیدس

منز سیٹھاہ کم۔ امہ رنگو انہار ہیکو دویمس و رگس منز شامل سپد تھ۔

نفسیاتی تنقید کہ تریمہ رنگ انہار چھ سہ یتھ منز نقاد و پینس تنقیدس منز تخلیق کار
ہندو سوانحی عنصر تہ زیر نظر ائی متڑ چھ۔ جدید نفسیاتی ماہرن ہند و نہ موجب چھ ادب پار پینس
تخلیق کار ہنر شخصیت ہنر آلایشہ نمایاں کران۔ امہ خیالکہ زیر اثر چھ امہ رنگہ کس تنقیدس منز یہ
اکھ غالب تر اے زاتہ چھ نقادسند توجہ تخلیقہ نش ڈلتھ تخلیق کار ہندس حیاتس کن مرکو ز سپدان
ہیمہ سببہ امہ قسمہ کس تنقیدس سوانحی رنگ کھسان چھ۔ کاشرس تنقیدس منز چھ تنقید چہ تڑ چھ
وار یا مثالہ یم اسی یو دوے نفسیاتی تنقید کس زمس منز تر اوتھ ہیکو کھ نہ مگر تخلیق کار ہند سوانحی
عنصر زیر غور ائہ کن ہیکو امہ قسمکس تنقیدس منز گزرتھ۔ مثلاً گوڈ کالکین کاشرس نقادن
منز چھ مرحوم حاجنی اکھ اہم ناوتہ سند ”دون زمان ہندی ز شعر“ ناوک مقالہ چھ سند اکھ نمائند
تنقیدی مقالہ۔ اتھ مقالس منز چھ سہ راہی ہندس ”ڈول حقیقتو رنگ تہ ووشلیو وخاب میون“
شعرس پیٹھ تبصرہ کران لکھان: راہی ہندین زانن والین چھ خبر ز سہ اوس کینہہ کال بروہہ سخ
ماد پرست۔ لہذا آسہ ہے سہ یہ شعر لکھنہ و زینہ عقلہ صرف کارل مارکس ہنر تر کر تو الان۔ اگر
اکہ طرفہ اسی سہ ماد پرست مانہون تہ بیکہ طرفہ پیپہ اسہ تیلہ حقیقتو صرف مادی تعبیر کرن۔۔۔
مگر اتھو حالتس منز اوستھ تہ چھ تس بوزنہ آمت ز یمن ٹھوس مادی چیزن تہ چھ کوپے رنگ
یس گٹان گٹان وچھن و ائلس یہ خواب وچھ ناو۔“ عیاں چھ ز حاجنی چھ راہی ہندس شعرس
تہ ہن سوانحی پہلو ہن ستو وابستہ کران۔ امہ علاوہ تہ چھ سائلس تنقیدس منز پیپہ کینہہ مثالہ۔ تہ
اکھ اہم مثال چھ ”واری وین ستو وار چھس نو“ وژنی شعر یتھ متعلق مختلف نقاد وحبہ خوتو نہ

ہندہن زما نی تہ تہندہن حیاتی حالاتن ستر تار کانج گرتھ انچ تمثیلی ویشھنے گرتھ چھے۔ محمؤ دگامی
 ہنز یوسف ذلیخا مثنوی ہندس ناد ہالایے میانہ یوسفو ولو، ویدا کھی با تچ تہ مقبول کرا لہ واری
 ہند ”گریسو ناچ مثالہ تہ چھے اہم۔ گوڈنچہ مثالہ متعلق چھ کینز و نقادواتھ منز باونہ آمتس
 المناک جذبس شدت پراونک باعث شاعر ہندس کنس پوتھر سندا مر ن مومت تہ دؤیمہ مثالہ
 منز چھہ ژکھ ہندو محرکات سومالی اتھ تنگی ماننہ آہو یوس دوس و انسہ مذکور شاعر س نال و لٹھ
 اس۔ کاشر تنقید منز ہیکن یڑھہ مثالہ پیہ تہ دنہ تہ تھ۔

نفسیاتی تنقیدس منز ہیکہ آرکٹاپیل تنقید تہ شامل سپد تھ تکیا زامہ مطابقت تہ چھہ تخلیقہ ہند آگر
 انسانی شخصیت ہندو تہہ خانہ تہہ ینگ اجتماعی لاشعور و نان چھہ۔ بقولہ تہند چھہ عظیم شاعری ہند
 پو انسانی زندگی پٹھہ پیہہ کنی شاعری محض انفرادی ذہنی رجحان ہنز و پدما نصح چھہ نہ تہ چھہ
 اکھن کار اجتماعی انسان قرار دیمت یس پنہ فنہ ذریعہ اجتماعی لاشعورس منز محفؤ ظ قدیم تجربہ بن
 تہ تصور راتن، اجتماعی علامت اسطورن تہ تلمیخن بیتر پنہ تخلیقہ ذریعہ باؤ ژ سو تھرس پیٹھ انان
 چھہ۔ ینگ ہندہن خیال ہندے ترچھہ آرکٹاپیل تنقید۔ حالانکہ ادبک آرکٹاپیل مطالعہ چھہ
 کاشرس منز عنقا۔ مگر ینگ سندا یس بیان ہیر کنہ دنہ آومتہ حسابہ ہیکو امہ قسمکہ تنقیدک دایر ہنا
 وسیع کرتھ۔ یعنی کاشر شاعری منز تہ چھہ شاعر ہند دوس اسطورن، حکایتن، تلمیخن تہ قدیم تصورن
 ہند استعمال کرنہ آمت۔ کاشریون نقادوتہ چھہ یکن ہند حوالہ ادبی تخلیقن ہنز ویشھنے و کھنے کرینچ
 کوشش گرتھ۔ شمس فقیر ہنز ”سو دیکھو لد رمال“ وژن نما نظمہ منز راز ہونز استعارک تجزیہ، شفیق شوق سندا
 ”شیخ العالم سندا فن یا تندا“ ”شیدا گرتھ تہ“ ”نظمہ ہنز ویشھنے یا شاد رمضان سندا مضمون“ ”اتہ چھہ وہاب کھار

لاجواب، ”مضمون منزکگہ نوس، سبزو وضاحت یا آتش سبزو کا ملنہ نیلہ ناگ نظمہ ہنز تنقیدی سام چھہ پڑھ کینہہ
 ، مثالہ یم اسہ کا شرس تنقیدس پٹھو پیٹھی نظر تراونہ ستر برو نہہ کن یوان چھہ۔۔ حالانکہ امہ قسمک الہ پلہ بیشتر تنقید
 چھہ تجزیہکی آسنہ برعکس توضیحی، یمہ کنز یہ آرکٹاپیل تنقیدی دایرس منزشامل کرن ویوٹھے بہن باسان
 چھہ۔ وونی گوویہ کتھ چھہ صحیح زیوہ وضاحت چھہ تخلیقہ ہندس مفہومس واش کڈنس منزندگار ثابت سپدان۔
 نفسیاتی تنقیدک چھیکرس مقصدتہ چھہ بی۔ امیک زورتہ چھہ مواد مفہومس پٹھے۔ یتھ تنقید ہیکہ تخلیقی
 تجربس یا شعر مفہومس نمایاں کرتھ۔ وونی گووامہ باوجود چھہ پتہ پوز ز خالی نفسیاتی تنقید ستر ادب صحیح پٹھر
 مولناؤن چھہ محال۔ تکیا زگنہ ادبی تخلیقہ منزیم باقے محاسن آسان چھہ تم روزن پتھ مولونہ منز چھہ۔ یتھ قسمکس
 تنقیدس منز چھہ یہ اندیشہ ز تو جہک مرکز ہیکہ تخلیق کار ہتھتہ اد تخلیق چہ مولہ خصوصون روز ثانوی حیثیت پٹھر
 ہیکہ نہ امہ ستر تخلیق کار ہند فنی مرتبک تعینتہ سپد تھ۔ تمی ہیکو وئنتھ ز امہ قسمک تنقید ہر گاہ تخلیقی
 تجربکو مختلف پہلوؤ گا شراؤتھ ہیکہ اما پوز تمہ باوجود آسنہ یتھ تنقید اڈلیوک۔

کتابیات:

آش، موہن لال۔ (2001)۔ تخلیقتہ تنقید، جموں کشمیر اکیڈمی اف آرٹ کلچر اینڈ لینگویجز
 شوق، شفیع۔ (1980) زبانتہ ادب۔ کاشر ڈیپارٹمنٹ۔